

## **Կադաստրի կոմիտեի 2027 թվականի բյուջետային հայտի բացատրագիր**

### **Ընդամենը ծախսեր**

#### **Աշխատավարձի ֆոնդ**

Կոմիտեի համակարգում հաստիքային աշխատակիցների ամսական աշխատավարձի ֆոնդը կազմում է 232,951.1 հազ.դրամ, որից քաղաքացիական ծառայողներինը՝ 144,795.4 հազ.դրամ, այլ պաշտոններինը՝ 88,155.7 հազ.դրամ:

**Ընդամենը աշխատավարձի ֆոնդը կազմում է 3,023,828.8 հազ. դրամ:**

#### **Պարգևատրումներ, դրամական խրախուսումներ և հատուկ վճարներ**

Պարգևատրման ֆոնդը կազմում 292,646.9 հազ. դրամ:

#### **Քաղաքացիական ծառայողների պարգևատրում**

Կոմիտեի համակարգում քաղաքացիական ծառայողների պարգևատրման ֆոնդը կազմում է 176,749.7 հազ.դրամ:

#### **Էներգետիկ ծառայություններ**

ՀՀ կառավարության 2005 թվականի ապրիլի 28-ի թիվ 629-Ն որոշմամբ նախատեսված նորմաների համաձայն Կադաստրի կոմիտեի համակարգի գործունեության իրականացման համար **էներգետիկ ծառայությունների գումարը կազմում է՝ էլեկտրաէներգիայի – 65,000.0 հազ.դրամ, ջեռուցման և վառելիքի – 25,000.0 հազ.դրամ, ընդամենը – 90,000.0 հազ.դրամ:**

#### **Կոմունալ ծառայություններ**

##### ***Ջրամատակարարման և ջրահեռացման ծախսեր***

Կադաստրի կոմիտեի համակարգի ջրամատակարարման և ջրահեռացման ծառայությունների ծախսը՝ 1,562.0 հազ.դրամ:

**Դեռատիզացիայի ծախսեր** Դեռատիզացիայի ծախսերը հաշվարկվել են հիմք ընդունելով կնքված պայմանագրերը՝ ընդամենը ծախսերը կկազմեն 500.0 հազ.դրամ:

**Ընդամենը կոմունալ ծառայությունների գումարը կազմում է 2,062.0 հազ.դրամ:**

#### **Կապի ծառայությունների վճար**

Կադաստրի կոմիտեի համակարգի կապի ծառայության ծախսերը հաշվարկվել են ՀՀ կառավարության 2004 թվականի դեկտեմբերի 30-ի թիվ 1956-Ն որոշման պահանջների համաձայն՝ գումարը կազմում է **ընդամենը 25,000.0 հազ.դրամ**, նախկին տարիների նկատմամբ աճը պայմանաված է կարճ հաղորդագրությունների և նամակագրության աճով:

#### **Ապահովագրական ծախսեր**

Կադաստրի կոմիտեի համակարգի 3 ծառայողական մեքենաների ապահովագրական ծախսերի համար անհրաժեշտ է **155.0 հազ.դրամ**:

#### **Գույքի և սարքավորումների վարձակալության ծախսեր**

Շենքերի շինությունների վարձակալության ծախսերը նախատեսված են համաձայն սպասարկման գրասենյակների և տարածքային ստորաբաժանումների կողմից կնքված տարածքների վարձակալության պայմանագրերի՝ գումարը կազմում է **8,364.5 հազ.դրամ**:

#### **Գործուղման ծախսեր**

##### **Արտասահմանյան գործուղումների ծախսեր**

2027 թվականին Հայաստանի Հանրապետությունից դուրս պլանավորվում է 13-16 գործուղում:

Հանրապետությունից դուրս գործուղման ծախսերը կատարվում են հետևյալ ուղղություններով՝ ճանապարհաձախս, օրապահիկ, գիշերավարձ, ներքին տրանսպորտ:

*Արտասահմանյան գործուղումների գծով ծախսերը կազմում են 15.000,0 հազ.դրամ: Ներքին գործուղման ծախսերը կազմում են 2.000,0 հազ.դրամ:*

*Ընդամենը գործուղման ծախսերը կազմում են 17.000,0 հազ.դրամ:*

#### **Վարչական ծառայություններ**

Պատճենահանման, թարգմանչական, գործավարական և այլ վարչական ծառայություններ համար նախատեսվում է **ընդամենը 500.0 հազ.դրամ**:

#### **Տեղեկատվական ծառայություններ**

Նախատեսվում է կատարել հասարակության իրազեկման ծառայությունների իրականացում (բուկլետների տպագրում, թերթերի, ամսագրերի բաժանորդագրություն, թերթերում և այլ ՁԼՄ-ներում հայտարարությունների հրատարակում, գովազդ, տպագրություն)՝ **ընդամենը 5,000.0 հազ.դրամ:**

#### **Կառավարչական ծառայություններ**

Ներքին աուդիտի ծառայություններ՝ **2,400.0 հազ.դրամ:**

#### **Ներկայացուցչական ծախսեր**

Կադաստրի կոմիտեն համագործակցում է մի շարք երկրների և միջազգային կազմակերպությունների հետ: 2027թ-ին նախատեսվում է Եվրոգեոգրաֆիքս ասոցացիաի, որի կառավարման խորհրդի անդամ է հանդիսանում ՀՀ կադաստրի կոմիտեի ղեկավար Սուրեն Թովմայանը, գլխավոր ասամբլեան անցկացնել ՀՀ-ում, որի շրջանակներում Կոմիտեն կհյուրընկալի մոտ 130 պատվիրակների առավել քան 40 երկրներից: Հավելենք նաև, որ միջոցառման իրականացման համար Եվրոգեոգրաֆիքս ասոցացիան իր ֆինանսական միջոցներից կծախսի ևս 30.000 Եվրո:

Ինչպես նաև 2027թ-ին լրանում է Կադաստրի կոմիտեի ստեղծման 30 ամյակը, որի առթիվ նախատեսվում է անկացնել միջոցառումներ:

Վերոնշյալ միջոցառումների կազմակերպման համար նախատեսվել է իրականացնել գնումներ **23.000 հազ. դրամի չափով:**

#### **Ընդհանուր բնույթի այլ ծառայություններ**

Տարածքային ստորաբաժանումներում ազդարարական, հակահրդեհային անվտանգության, տաքսի ծառայության, թվային տեսահսկման համակարգերի տեղադրման, տեսահսկման համակարգերի սպասարկման, կահույքի վերանորոգման, օդորակիչների վերանորոգման, մաքրման ծառայությունների և այլ ծառայությունների համար նախատեսվում է **75,583.9 հազ.դրամ:**

#### **Մասնագիտական ծառայություններ**

Տեղեկատվական տեխնոլոգիաների հետ կապված ծառայություններ (հերթի կառավարման համակարգերի սպասարկում), ARPIS էլեկտրոնային համակարգի ծրագրային ապահովման մշակման և սպասարկման ծառայություններ, գլխավոր սերվերի ծրագրային ապահովման և սպասարման, անվտանգության ապահովման ծառայություններ, տվյալների ցանցի կառավարման ծառայություններ (mulberry համակարգ), իրականացվող հիմնանորոգման աշխատանքների որակի

տեխնիկական հսկողության ծառայության և այլ մասնագիտական ծառայությունների իրականացման աշխատանքների ծախսերը կազմում են 200,000.0 հազ.դրամ:

**Շենքերի և կառույցների ընթացիկ նորոգման, պահպանման ծախսեր**

Ընդահնուր համակարգի պահպանման և սպասարկման գրասենյակների օպտիմալացման և նոր խորհրդատվական կենտրոնների ստեղծման նպատակով նախատեսվում է կատարել կոմիտեի վարչական տարածքների ընթացիկ նորոգման աշխատանքներ:

**Ընդամենը ընթացիկ նորոգման գումարը** կազմում է 30,000.0 հազ.դրամ:

**Մեքենաների և սարքավորումների ընթացիկ նորոգման ծախսեր**

Նախատեսվում է կատարել ընթացիկ նորոգման աշխատանքներ՝ ավտոմեքենաների 1,290.4 հազ.դրամ, համակարգչային տպիչ, պատճենահանման և այլ սարքավորումների, օդորակիչների սպասարկման և սերվերային սարքավորումների սպասարկման համար՝ 21,999.5 հազ.դրամ, **ընդամենը՝ 23,289.9 հազ.դրամ:**

**Գրասենյակային ապրանքների և նյութերի ձեռք բերման ծախսերը**

Նախատեսվում է ձեռք բերել թուղթ, տոներ, քարթրիջ, թմբուկ, գրենական պիտույքներ՝ 55,000.0 հազ.դրամ:

**Տրանսպորտային ծախսեր**

Կոմիտեի համակարգում հաշվառված 3 ծառայողական մեքենաների համար նախատեսվում է ձեռք բերել բենզին, յուղեր, ավտոդողեր, այլ նյութեր:

**Ընդամենը** ծախսը կազմում է 2,567.3 հազ.դրամ:

**Կենցաղային և հանրային սննդի նյութեր**

Տնտեսական ապրանքներ, մաքրիչ, ըմպելու ջուր, սանհիգիենիկ և այլ նյութեր ձեռքբերելու համար նախատեսվել է 11,000.0 հազ.դրամ:

**Ընթացիկ դրամաշնորհներ միջազգային կազմակերպություններին**

Միջազգային կազմակերպությունների հետ համագործակցության համար նախատեսվել է 1,000.0 հազ.դրամ

### Պարտադիր վճարներ և տույժեր

Միասնական տեղեկանքի, գույքի նկատմամբ իրվունքների պետական գրանցման, պարտադիր վճարների, տուրքերի, ավտոմեքենաների տեխզնման և բնապահպանության, աղբահանության համար նախատեսված է 5,833.4 հազ.դրամ:

### Կառավարման մարմինների գործունեության հետևանքով առաջացած վնասվածքների կամ վնասների վերականգնում

Կոմիտեի գործունեության հետևանքով առաջացած վնասների վերականգնման համար նախատեսվում է 5,000.0 հազ.դրամ:

### Շենքերի և շինությունների կապիտալ վերանորոգում

ՀՀ կառավարության 18.11.2021թ.-ի N 1902-Լ որոշման Հավելված N 1 հաստատված Կադաստրի կոմիտեի միջոցառումների 12.1 կետի իրականացման համար անհրաժեշտ է իրականացնել ք. Երևան Կոմիտաս 35/2 շենքի կապիտալ վերանորոգում: Այս միջոցառման իրականացումը Կադաստրի կոմիտեն նախատեսում է սկսել 2026թ-ից ինչի համար նախաձեռնում է կառավարության որոշման նախագծի շրջանառում համաձայն որի կիրականացվի վերաբաշխում 2026թ-ի ՀՀ բյուջեում և վերոնշյալ նպատակով ֆինանսական միջոցներ կհատկացվի Կադաստրի կոմիտեին:

Հաշվի առնելով, որ ենթադրվում է շինարարական աշխատանքները սկսել ժամանակից ուշ, այդ իսկ պատճառով նախատեսվել է 700,000.0 հազ.դրամ 2027թ-ի և 200,000.0 հազ.դրամ 2028թ-ի համար՝ ժամանակացույցից ետ ընկած աշխատանքները ավարտելու համար: Համաձայն նախագծանախահաշվային փաստաթղթերի միջոցառման արժեքը կազմել է 1.813.287 հազ.դրամ, իսկ հայտարարված մրցույթի արձյունքում հաղթող մասնակիցը առաջարկել է 1.595.100 հազ.դրամ գինը:

### Վարչական սարքավորումներ

Ռեֆորմատ իրականացված նոր խորհրդատվական կենտրոնների տեխնիկական հագեցվածության ապահովման, ՀՀ կառավարության 06.11.2025թ.-ի N 1583-Լ որոշման Հավելված N 1-ի 6-րդ կետով հաստատված միջոցառման իրականացման և ամբողջ համակարգի տեխնիկական ապահովման և վերագինման համար, անհրաժեշտ է ձեռք բերել համակարգիչներ, համակարգչային սերվեր, սկաներ, պրինտեր, համապատասխան կահույք՝ սեղաններ, աթոռներ, գրապահարան և այլն: Ընդամենը վարչական սարքավորումների գնումները կազմում են 175,000.0 հազ.դրամ:

### Ոչ նյութական հիմնական միջոցներ

ՀՀ կառավարության 18.11.2021թ.-ի N 1902-Լ որոշման Հավելված N 1 հաստատված Կադաստրի կոմիտեի միջոցառումների 13.2 կետի իրականացման համար անհրաժեշտ է ձեռք բերել ծրագրային ապահովում **48,000.0 հազ.դրամի չափով**:

### Գեոդեզիական քարտեզագրական ծախսեր

ՀՀ տարածքի օդալուսանկարահանման, օրթոֆոտոհատակագծերի և թվային քարձունքային մոդելի ստեղծման աշխատանքների իրականացման համար նախատեսվել է **584,000.0 հազ.դրամ**: Հայաստանի Հանրապետության տարածքը մասնակի՝ շուրջ 13 500 կմ<sup>2</sup> մակերեսով ծածկված է 2013-2014 թթ. ստեղծված օրթոֆոտոհատակագծերով, իսկ ամբողջ տարածքի համար 2021 թվականին իրականացվել է օդատիեզերական լուսանկարահանում, որոնք ամբողջական ժամանակագրական շարք չեն ապահովում և արդիական չեն, հաշվի առնելով վերջին տարիներին ինտենսիվ փոփոխությունները: Հետևաբար չեն կարող կիրառվել ներկա պահին ՀՀ ողջ տարածքի տարածական օբյեկտների տարածաժամանակային մշտադիտարկման համար:

Նախատեսվում է ՀՀ Երևան, Գյումրի և Վանաձոր քաղաքները օդալուսանկարահանումներ իրականացնել 10 սմ լուծաչափով, իսկ մնացած տարածքները՝ 20 սմ: Արբանյակային նկարահանումներ իրականացնել 30 սմ լուծաչափով: